



Bosna i Hercegovina
Federacija Bosne i Hercegovine
Tuzlanski kanton
OPĆINA GRADAČAC

H.K.Gradašćevića 54, 76 250 Gradačac, telefon 035-369-770 i 369-771, e.mail: opc.grad@bih.net.ba, www.gradacac.ba

- Općinsko vijeće -

Na osnovu člana 24. Statuta općine Gradačac („Službeni glasnik općine Gradačac“, br.4/08 i 5/12), Općinsko vijeće Gradačac, na 21. radnoj sjednici od 26. 12. 2014. godine, razmatrajući Nacrt Odluke o dodijeli na korištenje objekta Autobuske stanice sa zemljištem i pratećim sadržajima koji su u funkciji objekta (JP „Parkinzi“), d o n o s i

Z A K L J U Č A K

I

Općinsko vijeće usvaja Nacrt Odluke o dodijeli na korištenje objekta Autobuske stanice sa zemljištem i pratećim sadržajima koji su u funkciji objekta JP „Parkinzi“, kao dobru osnovu za izradu Prijedloga Odluke.

II

Ovaj Zaključak objavit u „Službenom glasniku općine Gradačac“.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
- Općinsko vijeće-**

Broj: 01-05-422/14
Datum: 26. 12. 2014. godine
G r a d a č a c

**PREDSJEDAVAJUĆI
OPĆINSKOG VIJEĆA**

Šakić Enir, prof., s.r.



Bosna i Hercegovina
Federacija Bosne i Hercegovine
Tuzlanski kanton
OPĆINA GRADAČAC

H.K.Gradašćevića 54, 76 250 Gradačac, telefon 035-369-770 i 369-771, e.mail: opc.grad@bih.net.ba, www.gradacac.ba

N A C R T

Na osnovu člana 13. stav 2. alineja 5. Zakona o principima lokalne samouprave u F BiH ("Službene novine FBiH", broj 49/06 i 51/09) i čl. 24.stav 1.tačka 7. Statuta općine Gradačac («Sl.glasnik općine Gradačac», broj 4/08 i 5/12), Općinsko vijeće općine Gradačac na sjednici održanoj dana _____ 2014.godine d o n o s i

O D L U K U

O DODJELI NA KORIŠTENJE OBJEKTA AUTOBUSKE STANICE SA ZEMLJIŠTEM I PRATEĆIM SADRŽAJIMA KOJI SU U FUNKCIJI OBJEKTA

Član 1.

Općina Gradačac daje na korištenje JP «Parkinzi» Gradačac objekat autobuske stanice sa zemljištem i pratećim sadržajima koji su u funkciji objekta, a koja je izgrađena na zemljištu označenom kao:

-1257/1 Autobuska stanica kuća i zgrada 312 m², izuzev restorana površine 122.51 m², i ostalo neplodno zemljište površine 6857 m² upisana u el.zk.ul.br. 910 k.o. Gradačac I, radi obavljanja registrovane djelatnosti javnog prevoza osoba i stvari u cestovnom prometu, bez naknade.

Član 2.

Objekat se dodjeljuje na korištenje na period od dvije godine i počinje teći od 01.04.2015. do 31.03.2017.

Član 3.

Navedene nekretnine se daju na korištenje radi obavljanja registrovane djelatnosti javnog prevoza osoba i stvari u cestovnom prometu i održavanja objekta autobuske stanice sa pratećim sadržajima i opremom koja je u funkciji objekta.

Član 4.

Komisija formirana od strane Općinskog vijeća i predstavnik JP «Parkinzi» Gradačac su dužni najmanje jedanput godišnje Općinskom vijeću podnositi izvještaj o načinu korištenja i stanju u kome se nalazi predmet dodjele. Komisija ima pravo i obavezu pregledati svu dokumentaciju, te predlagati mjere za očuvanje i upotrebu predmeta dodjele na korištenje.

JP «Parkinzi» je dužno u svako doba omogućiti nosiocu prava raspolaganja pristup imovini radi provjere stanja u kome se nalazi, načina korištenja i održavanja.

Po prestanku ugovornog odnosa, JP «Parkinzi» Gradačac je dužno predati objekat autobuske stanice sa pratećim sadržajima i opremom koja je u funkciji objekta, sa svim ulaganjima koja je izvršio, ispražnjen od lica i stvari.

Član 5.

Prava i obaveze između davaoca na korištenje i korisnika detaljno će biti regulisani posebnim ugovorom, koji će u ime općine zaključiti općinski načelnik. Suglasnost na prijedlog ugovora daje Općinsko vijeće.

Član 6.

Ova odluka stupa na snagu 8. dana od dana objavljivanja u "Službenom glasniku Općine Gradačac".

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
-Općinsko vijeće-

Broj:
Datum:

PREDSJEDAVAJUĆI
OPĆINSKOG VIJEĆA

Šakić Enir, prof.

O b r a z l o ž e n j e

Općinskoj službi za geodetske i imovinsko-pravne poslove obratilo se JP «Parkinzi» doo Gradačac zahtjevom za dodjelu na upravljanje i korištenje objekta autobuske stanice sa zemljištem i pratećim sadržajima.

Navode, da su u proteklom periodu opterećeni kreditnim zaduženjem u iznosu od 170.000,00 KM za nabavku parkomata, te su u fazi traženja načina za sticanje prihoda za otplatu navedenog kredita. Pored toga ističu da bi kultivisali okolni prostor, dogradili osnovni objekat, te mu dali izgled kakav priliči objektima ove vrste.

Obzirom da je općina Gradačac osnivač JP «Parkinzi» doo Gradačac, a koji bi unaprijedili rad autobuske stanice kroz dodatna ulaganja, predlaže se Općinskom vijeću da usvoji nacrt odluke i naloži stavljanje nacrta odluke na javni uvid i održavanje javne rasprave, nakon čega će se pripremiti odluka koju će usvojiti Općinsko vijeće.

Obrađivač
Općinska služba za geodetske
i imovinsko-pravne poslove

P R E D L A G A Č
Općinski načelnik